

408
2

ის ამგებჭკომიტეტის გამოცემა № 1.

პალიასტოვის სტა

მოთხრობა

ეგნატე ნინოშვილისა.

თჳილისი

ლექტრომბეჭდავი აზს. „შრომა“. რუსკაია ქუჩა. № 3.

1909

154₁

სფპ
899.962.1-32

პალიასტოვის სტა

1408

მწა.	22
მწი.	32
მწკ.	

მოთხოვნა

6-71-5

ეგნატე ნინოშვილისა.

წიგნსაცავი

მ. შუთაიძის საბ. საჯარო
ბიბლიოთეკა
БИБЛИОТЕКА
ქ. თბილისი

~~წიგნსაცავი~~

მ. შუთაიძის საბ. საჯარო
ბიბლიოთეკა
Б. 3. 1. 7
მთი

თფილისი

ელექტრომბეჭდავი აბზ. „შრომა“. რუსკაია ქუნა. № 3.

1909



ეგნატე ნინოშვილი
(ინგოროყვა)

ჰაღიასტომის ტბა.

I



ურის დასავლეთის მხრის სოფლებისთვის ქ. ფოთს დიდი მნიშვნელობა აქვს: რაც რამ გასაყიდი აქვს ამ სოფლებს, ფოთში ჰყიდის, საყიდელია და, კიდევ იქ ყიდულობს. როცა ამ სოფლების გლეხს გადასახადისთვის მიადგებიან კარზედ და ფული-კი არა აქვს, მაშინ ფოთია მისი თავდები: „მაცა, ფოთს ჩავირბენ, ამოვიტან და მოგცემო“, — ეუბნება გლეხი „ზბორჩიკს“ ან ნაცვალს *). დილიდან სალამომდე მიდიან და მიდიან ფოთის გზაზე ქათმებით, ინდაურებით, იხვებით, ბატებით, ღომით, სიმინდით და, ვინ იცის, რით არა, დატვირთული გურულები. ხე-ტყე ხომ აუარებელი ჩააქვთ გურიიდან ფოთს. ამიტომაც არის, რომ როცა ხმა გავარდება „ფოთი ყრუვდება, სხვაგან გადააქვთ“-ო (ასეთი ხმა ხშირია გურიაში), ზემოხსენებულ სოფლის გლეხებს ჯავრით გული

*) ნაცვალი გზირია.

უსკდებათ. მაგრამ ამისთანა სარგებლობასთან ერთი სახიფათო რამაც სჭირს გურულების ფოთს მისვლამოსვლას: აღმოსავლეთის კარებთან, საიდანაც გასასყიდელი რამეებით გამომგზავრებული გურულები უნდა შევიდნენ თავიანთის პატარა ვარცხლანავეებით, დგას ერთი მრისხანე მეკლიტული, რომელიც ხანდახან ისე გაჯიბრიანდება, რომ მთელის კვირაობით, გურულათ რომ ვსთქვათ, აყურყუტებს *) აქ ფოთს მიმავალს მგზავრს; თუ ზაფხულია, კოლოები სწევვენ ქელებს ამ საცოდავი მგზავრის სისხლზე; თუ ზამთარია, სიცვივე უხვრეტავს ძვალ-რბილს. მშრალი ადგილიც ძვირია (მთელი აქაური არე-მარე ჩალით დამოსილი ქაობია), რომ ცეცხლი მაინც დაინთოს კაცმა. მრისხანე მეკლიტული, რომელსაც მე მოგახსენებთ, გახლავთ „პალიასტომის“ ტბა, რომელიც, თითქო შავს ზღვას გადმოუტყორცნია და დაუბარებია: „წადი, აღმოსავლეთის მხრით შენ უდარაჯე ქ. ფოთსა“-ო. თითქო შავს ზღვას უმზითვებია ამ პატარა თავის ნათესავისთვის შეფოთიანობა, გახლება, ადამიანის მტრობა. როცა ქარი ამოიჭრება, „პალიასტომი“-ც გაშავდება, გაპირკუპრიანდება, წამოიჭრება, პირზე თეთრს დორბლს მოიყენებს და ცასა და ქვეყანას ჩაყლაპვას უპირებს ეს პატარა ვეშაპი. თუშცა დიდი არ არის ეს ტბა, თვალ მახვილი კაცი მის შუაგულიდან ადვილათ

*) ყურყუტი მოცდაა.

დაინახავს იმის ჩალიან ნაპირებს, მაგრამ სიმარღე და ზნე კი შავი ზღვისა აქვს, შავი ზღვისა, რომელთანაც „პალიასტომი“ შეერთებულია გვარიანი, მოგრძო და ფართე სრუტეთი.

„პალიასტომის“ შესახებ გურიაში არსებობს ერთი ლეგენდა: ეხლა რომ ტბაა, იმ ადგილას უწინ თურმე ხმელეთი იყო, ზედ ხალხი იდგა და ამ ხალხს „პალიასტომს“ ეძახდნენ. ერთს დღეს ხმელეთმა ძირს დაიწია, ერთს ადგილას მიწა გაირღვა, უცბათ წყალი ამოვარდა დედამიწიდან და მთელი სოფელი დაჰფარა. აქაური ხალხიც და ყოველივე სულდგმული დაიხრჩო, მხოლოდ ერთმა დიაკვანმა მოასწრო, გაიტაცა მთავარ-ანგელოზის ხატი, აიტანა ჯუმათის მთაზე *) და იქ შემდეგ ამ ხატს ეკლესია აუშენეს. ეს დიაკვანიც, გვარად დარჩია, დეკანოზათ დააყენესო. ჯუმათის მთაზე ეკლესია (მონასტერი) დღესაც არსებობს, ხალხი, გვარად დარჩია, დღესაც სცხოვრობს სოფ. ჯუმათში და ბევრი მათგანი სასულიერო წოდებისაა, მაგრამ ლეგენდაში მოყვანილი ამბავი რამდენათ მართალია, ამისი-კი რა მოგახსენოთ. „პალიასტომის“ ტბა უფრო მის მახლობლათ მდებარე მთებიდგან მონაწრეტს და დაბლობში შეგროვებულს წყალსა ჰგავს, მინამ მიწის ძვრისაგან ამონახეოქსა, თუმცა-ღა შეუძლებელი-კი არც ამ უკანასკნელშია რამე.

*) ჯუმათის მთა გურიაშია.

ხსენებული ტბა სამეგრელოს თავადს დადიანს ეკუთვნის და მეთევზე მეგრელები აუარებელს თევზს იჭერენ შიგ თავიანთის „ღრიფი“-თ*). თუ როგორ გამხდარა სადადიანოთ „პალიასტომი“, ამის შესახებაც ერთი ლეგენდარული ზეპირ-გარდმოცემა არსებობს გურიის ხალხში: ერთი რაღაც შემთხვევის გამო სამეგრელოს თავადს დადიანს თავისი ვაჟი-შვილი მიუცია გურიის მპყრობელ გურიელისათვის მძევლათ. გურიელს მძევლის აყვანის შემდეგ კიდევ მაინც რაღაც ეჭვი აუღია დადიანზე—მღალატობსო. ამიტომ ახალის წლის წინა ღღეებში მოუჭრია თავი მძევლათ აყვანილ დადიანის ვაჟისთვის, ჩაუღვია ეს თავი ყუთში და უთქვამს: ვინც ამას ახალ წელს, დილით, დადიანს მიუტანს, გლეხი იქნება, აზნაურობას ვუბოძებ და აზნაური—თავადობასო. ერთს გლეხს უკისრნია მიტანა; შემჯდარა ცხენზე და სწორეთ ახალ-წელს, წირვაზე წასვლის დროს, მიურომეცია დადიანისთვის დაკეტილი კოლოფი—გურიელმა მოგართვაო. როცა დადიანს კოლოფის გასადები მოუთხოვნია, გლეხს შემოუჭრავს თავში ხელი: „ვაიმე, წუხელ სხვაგან ღამე გავათიე და იქ დამრჩენია“-ო. ამ სიტყვებით გლეხი მოხტომია ცხენს და გამოუწევია შინისაკენ, ვითომდა გასადების მისატანათ. როცა დადიანს დაუნახავს, ყუთის მომტანი გლეხი აღარ დაბრუნდა, გაუტეხია

*) ღრიფი—დიდი ბაღვა.

ყუთი და უნახავს, რაც იღო შიგ—თავის შვილის თავი. ამაზე ატეხილა გურიელსა და დადიანს შორის ჩხუბი. უკანასკნელ, როგორც ყოფილა, მორიგებულან და დადიანს თავის შვილის სისხლში გურიელისაგან „პალიასტომის“ ტბა აუღია.

„პალიასტომსა“ და გურიის სოფლებს შუა რიგით, უშველებელ ზოლებივით, მდებარეობს ჯერ სოფლის ბოლოს საყანე და საბალახო ადგილები, მერე დიდი, თუმცა-ლა ქაობიანი, მაგრამ სხვა-და-სხვა ხეებით მდიდარი ტყე და უკანასკნელ—ისლით და ჩალით დამოსილი ადგილი, რომელსაც გურულები „ეწერს“ ეძახიან. კარგი სანახავია ეს „ეწერი“, გაზაფხულზედაც თვალის წარმტაცი სიმწვანით და შემოდგომაზედაც ჩალის ფერი სიყვითლით. თვალს იტაცებს, მაგრამ კიდევ ატყუებს: იქ, სადაც თვალს ხავერდით მოფენილი გონია არე-მარე, ქაობსა და დამპალს წყალში გეფლება ფეხები. კარგი რამ არის ეს „ეწერი“ მონადირისთვის მაშინ, როცა დათოვს და გაყინავს, ველარსად ემალება მონადირის ძაღლებს აქ გამოდევნილი ღორი, ან შველი. ტყესა და „ეწერს“ ხაზავს აუარებელი პატარა მდინარეები (გურულათ „ნოყო“), რომლებისგანაც შესდგება ორი სანაჟო და სატივო მდინარე. ეს სანაჟო მდინარეები იწყება სოფლების ბოლოდამ და ჩაერთვის „პალიასტომს“.

II



რისტეშობისთვე იყო. საშინელი ცუდი დარები დაეჭირა: ხან ჰქროდა და წვიმდა, ხან „ხოშკაკალს“ ყრიდა, ხან თოვლსაც ურევდა. როცა მოიწმენდა, ყინვა სწვავდა ყველაფერს. ბედნიერი ხალხი, ესე იგი, მდიდრები, მამულიანები, უფროსები ამ დროს დალულუნებულს, თბილს ბუხართან ისხდნენ და სხვა-და-სხვა შესაქცევარით იქცევდნენ თავს. მაგრამ მუშა გლეხს, რაც გინდა რა დარი იყოს, მანც არ შეუძლია ოისვენოს; გლეხმა კარგათ იცის, რომ ძოსვენება და სატანჯველის მორიდება უარეს სატანჯველს შეახვედრებს და ამიტომ არას დროს არ ისვენებს, არც დარში და არც ავდარში, ეწევა უღელს, სანამ სიკვდილი არ დაახუჭვინებს თვალებს. მიუხედავათ იმისა, რომ, როგორც ვსთქვით, საშინელი ცუდი დარები ოდგა, „პალიასტომის“ ტბის მახლობელს ტყეებში გაისმოდა ცულის ხათქა-ხუთქი და წამ და უწუმ—ხის წაქცევისაგან გრიალი, — მუშა გასეოდა ტყეებს და ამზადებდა ფოთში გასაყიდს ხეებს; მუშაობდნენ, ავდრის და სიცივის მიუხედავათ, დასველებულები, სიცივისაგან ხელ-ფეხ დაწითლებულები, მუშაობდნენ მოუსვენრათ და ღამით დაქანცულ-დაღლილები ეყრებოდნენ აქა-იქ ფარღალალა კარვებ-

ში, ცეცხლის პირას დასაძინებლათ. ვისაც ნაბადი ჰქონდა, ეხვეოდა ნაბადში და უმეტესობა-კი ისე გაუხდებლათ, სველის ტანისამოსით მიეგდებოდა დილამდე წყნელის ლოგინზედ და ხის მუთაქაზედ. ბევრს, კარავში წვეთი და წვიმის წყალიც ჩადიოდა, რადგან მუშას ვერ მოეცალა ხეირიანათ კარვის სახურავის გასწორებისათვის.

ტყე, რომელშიაც ეხლა მუშაობდნენ გლეხები, ერთს ღროს ეკუთვნოდა სოფლებს; ყველა წოდების კაცი, ყველა, დიდი და პატარა თავისუფლათ თევზაობდა, ნადირობდა და მუშაობდა შიგ: მოდავე და მოცილე არსაიდან ჩანდა, იმის გარდა, რომ ხანდახან ერთი სოფელი მეორე სოფელს დაედავებოდა—ესა და ეს ნაჭერი ტყე არა მე მეკუთნის და არა მეო; ართმევედნენ ერთმანეთს დამუშავებულს ხეებს, უფუჭებდნენ ნამუშავარს, მაგრამ ბოლოს საქმე ისევ მოარიგებით * თავდებოდა. მერე კიდევ ასეთი შემთხვევა ხშირი არ იყო, — ოცს ან ათს წელში ერთხელ მოხდებოდა. მაგრამ უკანასკნელ, როცა ტყის სარგებლობა გაიგეს, გლეხების მონაწილე თავად-აზნაურობამ მოინდომა მათი თავიდან მოშორება; ჯერ ნელ-ნელა დაუწყეს ღრინვა—გლეხს კანონის ძალით ტყე არ ეკუთვნის, ტყე ჩვენიაო. მაგრამ გლეხები ყურსაც არ იბერტყავდნენ ასეთს ღრინვაზე. შემდეგ, რა ნელ-ნელა ღრისვით ვერას გახდნენ, თავად-აზნაურებმა დაუწყეს გლეხების დამუშავებულს ხეებს ტაცება. რასაკვირველია, წინ-

დაწინ უფრო ჯაბანს გლეხებს უბედავდენ წართმევას. მაგრამ შემდეგ აღარც მძლავრებს დაერიდენ. ეხლა-კი გლეხებმა გაახილეს თვალი, დაუწყეს იმა-თაც სამაგიეროს გადახდა და ამ მხრივ კიდევ ვადააქარბეს თავიანთს მოწინააღმდეგებს. რადგან გლეხოზა ბევრი იყო და მათ წინააღმდეგ ძალით ვერას გახდებოდა, თავად-აზნაუროზამ მიმართა პოლიციას: დღეს ერთს გლეხს ადებდენ ბრალს და აბარებინებდენ პოლიციაში, ხვალ—მეორეს, ზეგ—მესამეს და ასე ამ გვართ, პოლიციის საშუალებით, აპირებდენ მათს გადვენას ტყის მონაწილეობიდან. მაგრამ გლეხოზამ ეხლა სხვა ღონეს მიმართა: ისინი შეერთდენ და სამუშაოდ, თუ წასართმევათ, ერთად მიდიოდა ტყეში მთელის სოფლის გლეხოზა. თავად-აზნაურებისაკენ გადამდგარმა პოლიციამ, რასაკვირველია, აქაც თავისი ხერხი იხმარა,—დააპირა გლეხების დატუქსვა. მაგრამ „თავს დავიხოცთ და ჩვენს სარჩოს ხელიდან ვერ გუვუშვებთ, რაც უნდა გვიყოთო“,—იყო გლეხების მხრით პასუხი. პოლიციამ სცადა კიდევ თითო-ოროლა თავი-კაცის გამოკლება გლეხებისაგან და დატუსალება, მაგრამ გლეხები არც ამით იღებდენ ტყის სარგებლობაზედ ხელს: „თუნდ სულ თითო-თითობით სატუსალოში გამოგვალპეთ, ჩვენს ლუკმას მაინც პირიდან ვერ გამოვიღებთ“-ო, იმეორებდენ ისინი. აქ მართლადაც პოლიცია ვერას გახდა და თავად-აზნაუროზამ მიმართა სამსჯავროს კარებს. აქაც კარგათ მიდიოდა გლეხე-

ბის საქმე, რადგანაც თავად-აზნაურობაში განხეთქილება მოხდა, ისინი ერთმანეთთან დავას მოუხდენ და გლეხებისათვის აღარ ეცალათ. თავადები საკუთრად ჩემოდენ მათელს ტყეს; აზნაურები ამბობდენ, რომ თითოეულ თავადის ოჯახს იმდენი წილი აქვს ტყეში, რამდენიც თითოეულ აზნაურის ოჯახსო. აიწეწა საქმე თავად-აზნაურობაში. რა რომ საქმე აწეწილი დაინახეს, ხაზინა და ეკლესიაც წამოყვლყვლავდა: იქნება ჩვენ დავიჭიროთ ამ ღვრიც წყალში თევზიო,—ასტენეს იმათაც დავა და ამტკიცებდენ, რომ სადავო ტყე არც გლეხებს ეკუთვნის და არც თავად-აზნაურობას—საეკლესიო და სახაზინაოო. ისე დაიხლართა საქმე; რომ სამსჯავროებს მოსვენება აღარ ჰქონდათ იმისგან; ვინ იცის, საიდან არ გამოჩნდენ ადვოკატები! ერთს ადვოკატს-კი აღარ სჯერდებოდენ მოცილეები, ორსა და სამს იყენებდა თითოეული მათგანი. მხოლოდ გლეხები კი არას დაგიდევდენ. დარწმუნებულნი, რომ თუ კანონი არსებობს ქვეყანაზე, ჩვენს წილს ტყეს ვერაინ ჩამოგვართმევსო“, დამწვიდებით განაგრძობდენ ტყის სარგებლობას; ძალით ვერც ერთი მოცილე ვერარას აკლებდა და სამსჯავროში-კი თავად-აზნაურობის და ხაზინის აგენტის განცხადება—გლეხ-კაცს, თუ არვისგან შეუესყიდია და დოკუმენტი არ აქვს, ისე უძრავის ქონების დასაკუთრება არ შეუძლიაო, სამსჯავრომ არ მიიღო:—ათის წლის სარგებლობა სრულიად საკმარისია, რომ უძრავი

ქონება მოსარგებლემ დაისაკუთროს, რა წოდებისაც უნდა იყოს-ო, — იყო სამსჯავროს მხრივ პასუხი. მოცილენი, რა დარწმუნდენ — საქმე ძალიან არეულ-დარეულია, სამსჯავროში საქმეს ბოლო არ ეღება და გლეხებსაც ტყის მონაწილეობიდან ადვილათ ვერ გავდევნითო, ხრიკს მიმართეს: დაუფაცურდენ გლეხებში განხეთქილების ჩამოგდებას. თავადები თავიანთს ნაყმევებს ეუბნებოდენ: — „თქვენ არ გეუბნებით უარს და სხვისი რა დარდი გაქვთ, ტყუილათ ან თქვენთვის რათ კარგავთ ტყეს, ან ჩვენ რად გვიკარგავთ! მოგვიწყეთ ხელი, გავდევნოთ სხვა მონაწილეები და მერე ჩვენ გავიყოთ ტყე“-ო. ამასავე ეუბნებოდენ აზნაურები თავიანთ ნაყმევებს! ამასავე ეუბნებოდა ხაზინა და ეკლესია სახაზინო და საეკლესიო გლეხებს.

უმნიშვნელოთ არ ჩაიარა ამ ხრიკმა: დაიწყო ნელ-ნელა რღვევა გლეხების ერთ-პირობამ; ზოგი თავადებს ეკედლებოდა, ზოგი — აზნაურებს, ზოგი — ხაზინას. დარჩა მცირე ნაწილი გლეხობისა თავისთვის. მაგრამ რაღა დარჩენა იყო იმისთანა დარჩენა! ის გლეხები, რომლებმაც მათ უღალატეს, ილაჯს უწყვეტამდენ, თუ ხის წართმევით, თუ ცრუ მოწმობით. ისე თვე არ გავიდოდა, რომ ამათ შორის თავპირის მტვრევა არ მომხდარიყო. ვინ იცის, რა ღონეს არ ხმარობდენ ერთმანერთის დასალუპავათ! ჩუმათ ცეცხლს უკიდებდენ ერთი-მეორის სახლკარს და აბუგვინებდენ ვაი-ვაგლახით და ოფ-

ლით მონაგარს სარჩო-საცხოვრებელს! გზებზე თოფით უხვდებოდენ და ჩუმათ კლავდენ ერთმანეთს; ცილს უგონებდენ და სისხლის სამართალში აძლევდენ. თავად-აზნაურობა, რომელმაც ასე გადაჰკიდა ერთმანეთს გლეხები, გულში იცინოდა და თავის საქმეს იკეთებდა. გადაბირებულ გლეხების შემწეობით და ცრუ-მოწმობით ბოლოს იმათ მოიგეს საქმე დანარჩენის გლეხებისაგან და ეხლა დაუწყეს საჩივარი ზიანის, ტყის ბაჟის და სამსჯავროში ნახარჯის შესახებ; ესეც მოიგეს, ჩაუყენეს გლეხებს ბოქაული და, სულით ხორცამდე რაც-კი ებადათ, სულ ვალში გაუყიდეს. ცრემლები გადმოგცვიოდათ, როცა სახლს, ბედელს, საქონელსა და სხვას აცლიდენ გლეხებს ხელიდან და ცარიელს ყრიდენ. ცა-წმინდას ქვეშ!

გლეხები ხომ მიიშორეს თავიდან, ეხლა თავად-აზნაურობას დარჩა მოცილედ ხაზინა და ეკლესია. რომ ესენიც მოეშორებიან, საქირო იყო იმათი (თავად-აზნაურობის) ერთმანეთში მორიგება. მორიგდენ კიდევ. მორიგების შემდეგ მათი საქმე კარგათ წავიდა: ხაზინისა და ეკლესიისაგან ტყის საქმე მოიგეს. ის გლეხებიც, რომლებიც გადაბირებული ჰყავდათ და ვითომაც ტყეში მონაწილეთ ცნობილობდენ, პირში ჩალა-გამოვლებული დატოვებს და უბაჟოთ ერთს ღერს წკნელსაც არ აჭრევენებდენ.

აი ეს ტყე იყო, რომელშიაც დღეს გლეხები ხეებს თლიდენ ფოთში წასაღებათ. დამზადებული

ხისაგან ნახევარი ტყის პატრონებისთვის—თავაღ-
აზნაურებისთვის—უნდა ჩაებარებიათ ტყის ბაჟში.
იმ დროისა, როცა გლეხებსაც საკუთარი წილი
ჰქონდათ ამ ტყეში და ბაჟს არავინ ახდევინებდა,
მხოლოდ გლეხების მიერ დარქმეული სახელებიღა
შერჩენოდა ადგილს და წყლებს, მაგალ. „მჭედ-
ლაის საღობი“, „საფარონე“ *).

III



როს „ნოყო“-ს **) პირზედ იდგა ერთი
კარავი, რომელსაც ზედ ეტყობოდა, რომ
მარჯვე და მოხერხებული მუშა კაცის ხელს
გაეკეთებია,—კარგის წკნელით მაგრათ დაღობილი,
ზედ ფიცრის კარი, რაც შეიძლება, ისლით კარგათ
დახურული, აქეთ-იქით სუფთა წკნელისაგან და-
წნული, ტახტისებურათ გაკეთებული საწოლი,—
ერთის სიტყვით მთელს ამ ტყეში იშვიათი იყო
ასეთი კარავი. ეს კარავი ეკუთვნოდა გლეხს ივა-
ნეს, რომელიც თავისი თექვსმეტის წლის ვაჟით
ნიკოთი ჩამოსულიყო და მუშაობდა ტყეში. ივანე
ორმოცდა-ხუთი წლისა იქნებოდა; ის იყო საშუა-
ლო ტანისა, ბეჭებ-განიერი, სწორი, სასიამოვნო

*) საღობი და საფარონე თევზის დასაჭერი ადგილებია.

**) ნოყო პატარა მდინარეა.

შესახებდავი ჰირის-სახისა, რომელზედაც სიმამაცე და გამბედაობა ემჩნეოდა. ივანე დიდათ წვრილ-შვილი კაცი იყო—ჰყავდა ორი ვაჟი და ხუთი ქალი. ამათში უფროსი ნიკო იყო, ნიკოს შემდეგ გასათხოვარი ქალი და დანარჩენები ისე მცირე წლოვანი, რომ ჯერ, ქამის გარდა, არაფრის გაკეთება არ შეეძლოთ.—რომ ოჯახი და შვილები ერჩინა, ივანეს მზრივ მოუსვენარი შრომა იყო საჭირო; აი ამ მოუსვენარს შრომას უნდა მიეწეროს, რომ ივანეს წვერ-ულვაში ისე ჰქონდა გათეთრებული, რადგორც ორმოცდა-ათის ან სამოცის წლის კაცს შეჰფერის. თუმცა ივანე მოხუცებას არ იმჩნევდა, მხნეთ და ჯანინათ გამოიყურებოდა, მაგრამ ხანდაზან-კი წამოსცდებოდა ის, რასაც თავისთვის ხშირათ ფიქრობდა: „თავს არ ვუტყდები, თვარა მოვხუცდიო“. მეზობლებში ივანე პატივცემული იყო თავის ქკუის, პატიოსნების და სიმარჯვის გამო. რადგან ოჯახს შედარებით გვარიანათ და კარგათ ინახავდა, მეზობლებს ისიც ეგონათ, რომ ივანეს ვაჟკაცობის დროს შენაძენი ფული აქვს შენახული და გაჭირვების დროს ცოტ-ცოტაობით ხარჯავსო. ცულის ხმარება ივანემ კარგათ იცოდა და ამიტომაც ხშირათ გაიგონებდი ტყეში მომუშავე მუშებში: „ძმავ, ხეები ივანიკას რომ აქ, იმას ჰქვია, დურგლის გათლილს გავს! რა გასაკვირველია, რომ იი კაი ფასათ გეიყიდოს!“ ამ წელს ივანემ მეტადრე აღრე დაიწყო მუშაობა და კარგა ბლომათაჲ დათალა ხე, რადგან

ცოტა ოდენს ნიკოც ეხმარებოდა. სალამოობით ივანე ნიკოს ადრე გამოუშვებდა ვახშმის გასაკეთებლათ და თითონ-კი დაბნელებამდე მუშაობდა; მერე, როცა დაბრუნდებოდა კარავში, მოუჯდებოდა ცეცხლს, დაიტეხდენ მამა და შვილი „ჩახანაში“ *) გამომცხვარს მჭადს, თუ ხსნილი იყო, ხმელს ყველს მიაქმევდენ ზედ, თუ მარხვა — „სუნელს“ **). ხან ივანე თევზსაც იჭერდა, გარეულს ღორსაც კლავდა (ივანე კარგი მონადირე იყო). თუმცაღა-კი ძლიერ უჩიოდა: „გამეილია ამ დასაქცევ ტყეში ყოლიფერი! უწინ დილიდან სალამომდე რომ სამძირს ***) წავსულიყავი, ირემს გავაგორებდი. თებზით ნავს დავლაღვი! ახლა ირემი ქე მოისპო, თებზი წყალში გამეილია! ერთი კვირე უნდა სდიო და კიდევ კაი ბიჭობაა ერთი ქვირთი თებზი, ან ხორცი იშონო კაცმა“-ო.

ერთს სალამოს ივანე ადრე დაბრუნდა კარავში და დიდს ხანს ესაუბრა თავის ნიკოს:

— იცი, ბიჭო, ნიკო, ღმერთმა თუ ხელი მოგვიმართა და არაფერი გამოგვეკრა, ავათმყოფობა,

*) ჩახანაი—თუჯის ქვაბია.

***) სამძირი—უძალდოთ, ერთი კაცის ნადირობა.

ან რამე, წრეულს ძაან საქმეს ვიზამთ, ძაან დავთა-
ლეთ ხეები! იი ციცაის „მგვზითი“ რომ არ მქონ-
დეს საყიდლოთ, ამ ხეების ფასით მებატონესავან
მიწას დევიხსნიდი, თავს გევითავისუფლებდი. ჰეი,
ერთი იმ „ნადელის“ ვადასახადს მომაშორა და
მომკლა, აღარ ვჩივი! მეზობლები სულ იმას მიჩი-
ვიან: „შენისთანა შეძლებული ვინ არის, თავს
რეიზა არ ითავისუფლებო“, გონიან, რომ ფული
მაქ. თავი გევითავისუფლო და ცოლ-შვილი შიშ-
ველ-ტიტველი დავყარო, ამას ვერ ვიზამ და ისე
ყოლიფერს აღარ ეყო ერთი კაცის მკლავი. წრე-
ულს იმ „ციცაის“ გათხოვას მოვრჩები... იი დასა-
ქცევი, თლათ წახდა დროი! ვაქარ ურჩისავით
მარტო ფულისკენ უჭირავს ყველას თვალი, მოწი-
ფულს კაცს მაქამდულა გული აღარ უძგერის
მკერდ-ქვეშ. ჩემ შვილობით არ ვიტყვი და ჩემი
„ციცაი“, მათი, რომ უწინდელს დროში ყოფი-
ლიყო, „მგვზითი“-კი არა, პირ-აქეთ დეიხარჯოდენ
იმის ცოლათ შერთვაში, ჩვენ მუხურში იმისთანა
ქალი ორიც არ მეიძებნება. ახლა მისი წონა „მგვზი-
თი“ თუ არ დავაყარე თავზე, შინ უნდა დამიბერ-
დეს. დაბერებას ვილა ჩივა, ვინმე შემირცხვენს, იი
ოსიკელაის ციცას რომ უგვირგვინოს შვილი აყო-
ლეს, ისე... წრეულს აი, ერთი საქმე შევასრუ-
ლოთ,— რაც ამას მორჩება, ვადასახადებს და ბალ-
ნების დამოსვას მოუნდება...

— ბაჟი რომ არ გვქონდეს ვადასახადი, რაც

ხეები დავთალეთ, სულ ჩვენი რომ იყოს... გააწყვეტინა ნიკომ მამას სიტყვა.

— ჰმ!. ბაჭით რომ არა მხდიდენ სულს!.. წმინდა გიორგიმ ბეჟვა არ გამოუწყვიდა მის ოჯახს, ვინც ჩვენ საბაჟოთ გაგვიხადა საქმე!—ჯავრმოსვლით დაიწყევლა ივანე,—ეი, ჰაი, ბიჭო, სად არის პირი და ერთობა! ჩვენსავე მოძმეებს რომ არ ელაღატა, ვის რა ხელი ქონდა ჩვენთან! მარა ლალატი და უპირობა! ჰჰ... მაშინ რომ თხარიდან არ გამოგვშლოდენ!... მოატყუეს უბედურები, აღალატებინეს და მერე თვითონ ულაღატეს! ყაძახს ყოლი კაცი მოატყუებს. ყაძახმა რომ ერთ-პირობა იცოდეს და ერთმანეთის თხარის მიცემა, მაშინ... მარა ყაძახი უსტავლელია და უსტავლელს ყველა ატყუებს... იცი, ნიკო, წრივანდელი რაფაც გვითქვამს, ისე მევიხმაროთ. ამ გაის ძაან ადრე ჩამოვიდეთ, მაშინ შენც კარქა შეგეძლება მუშაობა და ერთი იი ბატონი მევიშოროთ თავიდან. მენადელე კაცი ბატონის ყმაია. იფიქრე, ერთი რომ უცფათ ფეხი გამეშალოს, ჩემს ობლებს ნადელის გადასახადში დააწინდრებენ! ღმერთო, შენ მომიწყვე ხელი!

— მოვკტით, ბაბავ, ყველა ზამთარში ტყეში გდებით! რა იქნა, ძაღლი ხომ არ ვართ! ერთი მევისვენოთ!—უკმაყოფილოთ უპასუხა მამას ნიკომ.

— მოსვენება კაია, შვილო, მარა ვინ მოგვასვენებს! მებატონეს, ღვდელს, ხენწიფეს, ოჯახს,

მტერს, მოყვარეს, ყველას პასუხის გაცემა უნდა. ძნელია მუშის გული!

ნიკომ შეხედა მამას და ნაღვლიანათ ამოიოხრა. ნიკო ქერა ყმაწვილი იყო, ქალივით ნაწი აგებულობისა და ამიტომ ძლიერ უჭირდა შრომის ატანა. მამა ატყობდა ნიკოს, რომ მძლავრს მუშაობას ვერ აიტანსო, და ამიტომ მოინდომა მისი სწავლაში გაზრდა. ერთს ხანს სოფლის სკოლაში ჰყავდა, მერე საქალაქო სასწავლებელში წაიყვანა; ნიკომაც კარგის სწავლის ნიჭი გამოიჩინა, პირველ შეგირდათ ითვლებოდა თავის ამხანაგებში. მაგრამ ივანემ ველარ შეიძლო შეილის სკოლაში რჩენა და პირველი კლასიდანვე გამოიყვანა ნიკო, რომელსაც, თუმცა აგერ სამი წელი იყო, რაც ის სკოლას მოაცილეს, მაგრამ წიგნის კითხვის სურვილი მაინც არ გაჰქრობოდა. იპოვნიდა თუ არა თავისუფალს დროს, წიგნში ჰქონდა თვალი. ივანეც ძლიერ დარდობდა ნიკოს სწავლაზე მოთეშას.

— წევიწყმიდე სული, შენ რომ კლასს მოგაშორე! ახლანდელ დროში უსტაველი კაცი უღლის ხარია, მეტი არაფერი, — იტყოდა ხოლმე ივანე, როცა ნიკოს წიგნს დაუნახავდა ხელში, მაგრამ რა ექნა? ველარ შესძლო ამ დროულმა კაცმა მძიმე უღლის წევა და უფროსი შვილი ამოიყენა გვერდში. თავისი ფიქრით, ივანე უმცროს ვაჟს უპირებდა სწავლაში გამოზრდას, მაგრამ ამით ნიკოს სწავლაზე მოთეშის დარდი არ უმსუბუქდებოდა.

— ასეა, ნიკო, ასე, ყაძახის საქმე... ივანეს უნდოდა სიტყვა განეგრძო, მაგრამ ამ დროს მასთან შევიდა მისი მეზობელი გიგოია და უთხრა:

— შეიტყვე, ივანე, რა საცოდაობა ქნილა? წუხელი რომ დიდი ქარი იყო, ზალიკაის კარავთან მუხა მუუგლეჯია, დუურტყამს კარავზე და ორივე აფხანაგები, — ზალიკაიც და სიმონიკაიც, გუუჭყლეტია! ნეტაი დასამარხათ მაინც ეშონა კაცს მკვტარი! რას ქვია, მოკიდია „ცეხლი“ და რავეც თათლის სანთელი, ესე გამომწვარა ორივე! რალა ეშველებათს ცოლ-შვილს! ნეტაი მაინც იმდონი ობლები არ დარჩენოდენ. ერთსაც და მეორესაც ნაცარი საფსე ყავს ბაღნებით!

— ვაი საწყალო, ვაი საწყალო! — შემოირტყა ივანემ თავში ხელი, — გუშინდამ რომ გაღვეიარე, ვუთხარი: „ბიკო, აი მუხა დროზე მოსქარით, თუ არა კას არ იზამს-მეთქი. ვაი, რა ცოდვა დატრიალებულა, ერთმა მეორეს რომ ცეხლი მოათსოს ტანზე, იმისთანაი არ დარჩენია არცეთს, შიმშილი დახოცს! მოდი ახლა და ჩვენს სიცოცხლეს სიცოცხლე დაუძახე!...

— ნეტაი ეძინენ, თუ რეიზა ვერ გაასწრეს? — იკითხა ნიკომ, რომელსაც შეშინებულის სახე დაედო ამ ამბის გაგონებაზე.

— იგი, ვიღამ იცის, მოამბე კაცი რომ აღარ გადარჩენილა, — სთქვა გიგოიამ.

ერთს ხანს კიდევ ილაპარაკეს ივანემ და გი-

გოიამ, თუ როგორ შეატყობინონ „ზეგანში“ „იმ ცოდნიშვილების“ ცოლ-შვილს, და მერე გიგოია წავიდა თავის კარავში.

— ჰმ!... — წამოიძახა ივანემ მწარეთ, — ასეა უბედური მუშა კაცის საქმე: მუშაობს, ფაცურობს, აი იქით, აი აქეთ, გეიხედავ და ჩაკვტება საცხა, რავაც მწერი, ისე! ვინ შეიტყობს, რამდენი ზალიკაი, სიმონიკაი, გოგიეი ამ კუთხეში ჩაკვტება, რამდონი სხვა კუთხეში და რამდონი სად! რა არის ჩვენნი სიცოცხლე...

დიდ-ხანს ილაპარაკეს იმ ღამეს მამა-შვილმა. გაიხსენეს ყველა, ვინც-კი იმ წელს მათს სოფელში, ან სხვა ახლო-მახლო სოფელში ფათერაკში მომკვდარიყო, — ვიღაც გოგიეი, რომელიც ხეს სჭრიდა, ვერ გაიგო ხის წაქცევა და ხემ გასტყულიტა; თედორიკა, რომელსაც სიმინდის დატეხის დროს სავსე „ნალიას“ *) ქვეშ დაეძინა, ნალია წაქცეულიყო და ცოლიან-შვილებიანათ გაესრისა; ჰავლია, რომელიც „ნიგოზის“ **) ჩამორეკის დროს ხიდან ჩამოვარდა, თავი კვერცხსავით გაეთქვიფა და, რა თქმა უნდა, მოკვდა. პეტრიელაის ექვსი წლის ქალი, რომელიც მშობლებმა სახლის მცველათ დატოვეს, უცბათ ცეცხლი მოეკიდა ტანსაცმელზე და დაიწვია; მასიკელიაი, ოცის წლის ბიჭი, რომელიც ერთს ღედელ-

*) „ნალია“ სასიმინდე.

**) „ნიგოზი“ კაკალი.

თან მოჯამაგირეთ იდგა, წყალ-დიდობას სხვაგან გაგზავნეს და დაიხრჩო; ვილაც გოგიელია, რომელმაც ოჯახის რჩენა ველარ შეიძლო და თავი მოიკლა; სამი ბავშვი, რომლებიც იმ დროს, როცა მათი მშობლები ყანაში იყვნენ, ცოფიანმა დაგლიჯა, ერთი მათგანი (უმცროსი) მაშინვე მოკვდა, მეორე გაცოფდა და მესამე გადარჩა, მაგრამ დამახინჯებული, — ცალი თვალი ამოგლეჯილი აქვს, ბაგე გახეული და ხელი გაფუჭებული, ერთი ძუძუს ბავშვი, რომელსაც იმ დროს, როცა დედამ სადილი წაიღო ყანაში და ის აკვანში ჩაკრული დასტოვა, გველი მოეხვია ყელზე, დაკბინა და გამოუთქმელს ტანჯვაში დალია სული.

კიდევ ბევრს ასეთებზე ილაპარაკეს, ასე რომ შუა ღამეზე გადასული იყო, როცა დაიძინეს.

IV



ოთს წასადებათ დამზადებული ხეების ბედ-იღბალი ტაროსზეა დამოკიდებული: თუ წყალ-დიდობა არ შეხვდა, ისე ის „ნო-ყოები“, რომლის პირებზედაც ხეებს ამზადებდენ (დიდრონ, სანაო წყლების პირზე ამ ტყეში ხე გამოილია) წყლის სიცოტავის გამო ტივს ვერ აიღებს. ამიტომ ხშირათ ხდება, რომ გოლვიანი წელიწადი ზედი-ზედ მოყვება ერთმანეთს, წყალ-დიდობა არ

გაჩნდება და დამუშავებული ხეები ძირზედვე ღვება. ამიტომაც არის, რომ ტყეში მომუშავე, რა დაამზადებს ხეებს, მას შემდეგ მუდამ ცას შესცქეროს, როდის იქნება ერთი წვიმა დაუშვას და წყალდიდობა დაიწყოსო. მართალია, წვიმა გურიაში შავი ზღვის სიახლოვის წყალობით იშვიათი არ არის, მაგრამ ისეთი წვიმა და წყალ-დიდობა, როგორც ხის პატრონებს ეჭირვება, წელიწადში ორჯელსამჯელ თუ მოხდება—ხან, როგორც ვსთქვით, ისიც არა, მაგრამ იმ წელს, რომელსაც ჩვენ ივანე ვნახეთ ტყეში, თებერვლის თვეშივე დაუშვა ისეთი წვიმა. რომ მდინარეებმა ხე და მიწა წაიღეს. ახლომახლო სოფლებიდან მუშა ხალხი ჩალაგდა ტყეში, ასე რომ სოფლებში, ბავშვებს და ქალებს გარდა, მუშა ხელი არ დარჩენილა. ვისაც თავისი ხეები ჰქონდა, ის იყო, და ვისაც არა, ისინი ქირით მიყავდათ. რა თქმა უნდა, ივანეც თავის ნიკოთი და რამდენიმე ნაქირავები კაცით გაჩნდა თავის ხეებთან. მთელს თუთხმეტს დღეს ეზიდებოდა ხალხი ხეებს „ნოყობიდან“ „ტან-წყალზე“. მართალია, სიცივე წყალში მომუშავეებს ძვალსა და რბილს უყინავდა, მაგრამ ეხლა სიცივეს ვინლა მიაქცევდა ყურადღებას! ისეთი წყალ-დიდობა, როგორც მაშინ იყო, იქნება სამს წელიწადშიაც აღარ გაჩენილიყო და ამიტომ, თუნდა ჯოჯოხეთი ყოფილიყო, მუშას თავისი ხე მაინც უნდა წაეღო ფოთში. როცა გამოალაგეს ხეები „ტან-წყალზე“, შეჰკრეს დიდრო-

ნი ტივები და მიაცურებდნენ ფოთისკენ, ზოგი წინ, ზოგი უკან, ვის როგორც შეხედებოდა, ისე ივანემაც შეჰკრა უზარ-მაზარი ტივი, დაითხოვა ნაქიო-ვეები მუშები, დაისო თავისი ნიკო ტივზე, გაღაიწერა პირჯვარი და გაუდგა ფოთისკენ.

როცა ივანემ „პალიასტომს“ მიუწია, დაღამდა კიდეც. თუმცა-ღა ცა მოიწმინდა, მაგრამ უმთვარო ღამე იყო და ბნელოდა. თან ცოტა ქარმაც მოუბერა. „ბიჭო, სიდან ამოგირგილდა აი წყეული ზენაის ბინდი!“ — უკმაყოფილოთ სთქვა ივანემ, მერე შეხედა ცას და დაატანა: — „ვარსკვლავები ისე ცქრიანლებს, რომ ქარი იმატებს. ნიკო, ამელამ აქანაი უნდა დავაბათ ტივი და გავათიოთ ღამე. ამ ბნელ ღამეში, ერთი რომ მოაცილოს პირს ტივი, გათაკდა, დევიკარქვით წყალში! მერე შენ რომ არ მეჯდე ტივზე, კიდეც სხვაა. მე ბევრჯელ უარეს დარშიაც ვადამიარია ავი. მარა, შენ ამისთანა ბნელ ღამეში ვერ განდობ ამ ყლაპავის პირს. გამოუცთელი ხარ, ერთი „კუმი“ *) რომ ვაგლახათ მოხთეს ტივს, ვადაგადებს“. ამ სიტყვებით ივანემ მისწია ტივი ნაპირისკენ. როცა ხმელეთს მიუწია, დაასო სარი, დააბა ზედ და მამა-შვილი გავიდნენ ნაპირზე. ივანემ მონახა ჩაღაში მშრალი ადგილი, სადაც ცეცხლის დანთება შეიძლებოდა, დაკვესა და გააჩინა ცეცხლი. მერე გადმოიტანა შეშა, რომელიც

*) „კუმი“ ტალღა.

ტივზე, ეყარა და ისეთი „ღოჩხაური“ *), დაანთო, რომ ერთი სატენის სიმალლეზე ადიოდა ალი, მაგრამ ისეთი ცივი ღამე იყო, ისეთი ცივი ქარი ჰქროდა (ივანეს სიტყვა ასრულდა, მძლავრი ქარი ამოიქრა), რომ ცაწმინდას ქვეშ დანთებული ცეცხლი სრულიადაც ვერ ათბობდა იქ მყოფთ. მეტადრე საწყალი ნიკო სულ გაყინა, მისი კბილების რაკა-რუკი გულს უკლავდა ივანეს, რომელიც ახვევდა შვილს ნაბადს, მაგრამ ნაბადი ტივზე დაველებულიყო და სითბო სრულიადაც აღარ ჰქონდა. შუალამის შემდეგ ქარმა იკლო. უკანასკნელ, როგორც იქნა, ნიკოს ჩაეძინა. ივანემაც მიღო თავი და, როგორც იტყვიან, თვალი მოატყუა. მაგრამ ჩქარა ალიონმა მოუსწრო და წამოხტა ზეზე. ნიკოც გააღვიძა. ახლათ გაღვიძებული ნიკო ხელ-ახლავ სიცივემ აიტანა და მოყვა კბილების რახუნს. ივანეს უნდოდა, რაც შეიძლებოდა, ადრე წასულიყო, რადგანაც ქარის გაძლიერებისა ეშინოდა, მაგრამ ნიკო შეეცოდა, დაუნთო კარგი ცეცხლი და გაათბო. ამ გარემოებამ ისე დააყოვნა იმათი წასვლა, რომ მთის გადაღმიდან მზის სიწითლემ კიდევ მოატანა, როცა ისინი ტივზე გავიდნენ. თითქო მძინარემ გამოიღვიძაო, ქარმა ორიოდეჯერ მძლავრათ ამოისუნთქა და ისევ გაჩერდა. ივანემ გახედა ცას და წარბებ მოკმუხვნით სთქვა: „ნიკო, ვიჩქაროთ, თუარა ქარი

*) „ღოჩხაური“ დიდი ცეცხლია.

„უმატებს“. გადაიწერეს მამა და შვილმა პირჯვარი, ახსენეს ღმერთი და აუშვეს ტივი.

— ნეტა, რა ქნეს, ბეჟუკაი და დათიკელაი რომ მოგვეყობოდა უკან ტივით?—ჰკითხა ნიკომ.

— სიცოცხე შეაშინებდა და ზეთ კარავში მიეცთიდენ, სხვებიც იყვენ, არც იგინი ჩანს. სიბრიყვე მათი! ამ ქარიზა გვესწრენ, თუარა ახლა რომ ქარი ამეიჭრება, თუთხმეტ დღეს არ ჩავარდება. მერე— უფრო არ დეიხოცებიან ამ ბოლაზში ყურყუტით, სთქვა ივანემ, რომელიც მძლავრათ მიაქანებდა ტივის და ხანდახან უმზერდა ცას

როცა ბოლაზს მოშორდენ, ტივმა მსუბუქათ გაიკურა იმ ღამინდელ ქარისაგან ათამაშებულს „პალიასტომის“ წყალზე, საიდანაც გარკვევით გამოჩნდა ჯუმათის მთა და მის წვერზე—არწივის ბუდის ოდნათ—მთავარ-ანგელოზის მონასტერი. რადგანაც მზე მეორე მხრიდგან ადგა და ჯერ არ ამოსულიყო, მთასაც და მონასტერსაც რაღაც საიდუმლო მკრთალი ბნელი ფერი ედო. ივანემ გაიხედა მონასტრისკენ და „მთავარ-ანგელოზო, შენ გვიპატივეო“, — ღრმა გრძობის გამომეტყველების სახით დაიწერა პირჯვარი სამჯერ. ნიკოც მიყვა მამის მაგალითს. მაგრამ „პალიასტომი“ ისეთი საიდუმლო მწვანე-ბნელი თვალით გამოიყურებოდა, რომ ნიკოს შიშით აღამიანის ფერი აღარ ედო სახეზედ, ივანე მამაცათ იბრუნებდა იქით-აქეთ „ქოლოკს“ *), და ამიტომ

*) ქოლოკი ტივის წასაყვანი ჭოკია.

ყურადღება ვერ მიექცია ნიკოს გაფერ-მკრთალე-
ბულ პირი სახეს. ნიკოც თავისი მხრით ცდილობ-
და შამის მიხმარებას და არ უმხელდა შეშინებას.
ამოკო მზემ თავი და ერთს ადვილას „პალიასტო-
მის“ წყალში სვეტივით ჩაუშო თავისი სხივი, ასე
რომ ადამიანს თვალებს გაუფუჭებდა იმ ადვილას
შეხედვა; „პალიასტომს“ მზის დახედვამ კიდევ უფ-
რო საშიში ფერი დასდო; მთა და მონასტერი
შავად მოჩანდა, რადგანაც მზე ჯერ კიდევ არ
მისდგომოდა; წყალს, ჰაერს და არე-მარეს უსია-
მოვნო, საიდუმლო ფერი ედო. თითქო მზის შუქს
ამოყვაო, ქარმა რამოდენჯერმე გაიგრიალა „პალიას-
ტომზე“ და გააღვიძა ეს ვეშაპი.— „გააგდე ქოლოკი
ხელიდან, დაჯე ტივზე და მოუქირე ხელი ჩასა-
კრავს!“ — შესძახა ივანემ ნიკოს. თითონ-კი ლომი-
ვით ტრიალებდა, რომ როგორმე ტივი მიეყენებია
ნაპირზე. მაგრამ ივანეს ბრძოლა უძლური იყო
განმძვინებულ სტიქიონის ძალასთან, — ტივს თანდა-
თან აშორებდა ტალღები ნაპირიდან და გაჰქონდა
შუაგულისკენ, უკანასკნელი „ქოლოკიც“ ვეღარ
დაუწვდა წყალს ძირამდე, რადგან შუაგულისკენ
წყლის სიღრმე თანდათან მატულობს. აქ ივანემ
მოინდომა — ტივს რაც მოუვა, ჯანი გავარდეს, ნი-
კოს ჩავისვამ ნავში და ნაპირზე გავალო. ნავი
ტივზე ჰქონდა მიბმული, მაგრამ წყალი ისე იყო
აზვირთებული, რომ ესეც შეუძლებელი ვახდა.
დიდხანს იბრძოდა ივანე თავ-გამეტებით. პო-

ლოს, როცა აქაფებულმა ტალღებმა ტივს ყირამა-
ლა დაუწყო ყუღება და ღონისაგან დაკლილმა
ივანემ დაინახა, ჩემი ბრძოლისაგან არაფერი არ
გამოდისო, გააგლო „ქოლოკი“ ხელიდან, დაცა
ტივზე და ჩაჰკიდა ტივზე დაკრულს ხეს ხელი. „ნუ
გეშინიან, ხელი მაგრათ, აგრე მეორე ნაპირზე გა-
გვიტანს და გადავრჩებითო!“—ამხნევებდა ნიკოს.
ქარს გაჰქონდა და გაჰქონდა გუგუნი. ქარის გუ-
გუნს წყლის გუგუნიც უერთდებოდა, ასე რომ
გვერდით ზარბაზანი დაცალათ, ვერ გაიგონებდით.
ერთად ერთი იმედი ივანესთვის ის-ღა იყო, რომ
ტივი მაგრა ჰქონდა შეკრული, არ დაიშლებოდა,
ტალღები სადმე ნაპირზე გააგდებდა და გადარჩე-
ბოდენ დახრჩობას. მაგრამ ეს იმ შემთხვევაში, თუ
იმამაცებდენ, ტალღების დაძგერების დროს ტივზე
ხელი არ მოეგლიჯებოდათ და წყალში არ გადა-
ცვიოდენ. ამიტომ „ხელი მაგრათ, ხელი მაგრათ,
ხელი მაგრათო“—წამ და უწუმ უყვიროდა ივანე
ნიკოს, რომელიც მართლა და ისე იყო კეტს ჩა-
ფრენილი, რომ, თუ დასჭრიდი მკლავებს, თორემ
სხვაფრივ ვერ მოაშორებინებდი. მაგრამ აი აგერ
ერთმა ტალღამ ჰკრა, აიყვანა ტივი მაღლა, წამზე
უცბათ გამოეშალა და ისე დააჯახა წყალს, რომ
ვენახი, რომლითაც ტივი იყო შეკრული, ორ-სამს
ადგილს გაწყდა; ეს განმეორდა რამდენჯერმე და
ტივმა იწყო რღვევა. ეხლა-კი დაინახა ივანემ, რომ
იღუპებოდა თავიან-შვილიანათ. ნიკო-კი არც რამეს

ხედავდა და არც რამეს ფიქრობდა, შიშისგან გაბრუნებულიყო და უაზროთ ჩასციებოდა ტივის, ივანემ გაუშვა ტივის ხელი, წამოვარდა ფეხზე და ისეთისეთი დაჰკივლა, რომ ცა გასკდებო, გეგონებოდათ. არსად ადამიანის ბაიბური არ ისმოდა. მაგრამ თუნდა კიდევ ყოფილიყო სიახლოვეს ვინმე, ვინ გახედავდა გახელებულის „პალიასტომის“ პირში თავის მიცემას! ივანემ დაჰკრა ფეხი, გადავარდა ნიკოსთან, მოჰკიდა ცალი ხელი ნიკოს მკლავში და ცალი იმ ხეს, რომელზედაც ნიკო იყო ჩაფრენილი. საშინელი თავგანწირულობის ფერი ედო სახეზედ. წარმოუდგენელი ძნელი წამია ის წამი, როცა ადამიანი თვალ-და-თვალ უყურებს თავის დაღუპვას, თავის გაქრობას! ძნელია მეტადრე სოფლელი გლეხისთვის, რომელიც ისე მჭიდროთ შეკავშირებულია სიცოცხლესთან. გლეხს, რომელიც სწყევლის, კრულავს თავის ბედს, თავისს გაჩენას, მაგრამ მაინც-კი მთელი თავისი არსებით ეჯაჯგურება ცხოვრებას, უზომოდ უყვარს სიცოცხლე. ივანემ სწრაფად წარმოიდგინა, თუ რა ჯოჯოხეთი მოელოდა მის ოჯახს დაობლების შემდეგ. „რა ეშველება, შიმშილი დახოცს, გადასახადში დააწინდრებენ, უპატრონოთ დარჩენილ ქალიშვილს ნამუსს ახდიან, დეილუპა ოჯახი, ნასახლევათ გადაიქცევა! ვილა დააპურებს, შიმშილი. „შიმშილი“... ქარიშხალივით გაურბინა ივანეს ამ ფიქრებმა, მაგრამ მეტი ფიქრი-კი აღარ დასცალდა: ისე მძლავრად დაეჯახა წყალს უიმისოდაც დარღვეული ტივი, რომ ხეები თითო ღეროებათ გაიფანტა; ივანე და ნიკო, რომელსაც უცბათ გამოეშალათ ხეები ფეხებიდან, მოიწყვდენ წყალში. თუმცაღა მამამაც და

შვილმა ~~საქართველო~~ იცოდენ, მაგრამ ღონე გამოლე-
ულს, ტანთ გაუხდელს საშინლათ აზვირთებულ
ცივს წყალში აბა რა შორს შეუძლია წავიდეს!
ივანემ დაინახა, როგორ ჩასძირა და ჩაყლაპა შეუ-
ბრალებელმა წყალმა მისი საყვარელი ნიკო! ერთი
უკანასკნელათ კიდევ დაიღრიალა საწყალობელმა
ივანემ მონადირისაგან სასიკვდილოთ დაქრილ ღომ-
სავით და უნდოდა მიშველებოდა შვილს, მაგრამ
აღარც ღონე იყო მიშველებისა და აღარც შვილი
იყო მისაშველებელი; ნიკო უკვე ჩაიტანა ძირს
წყალმა, ისე რომ ხელიც არ გაუნძრევია საცოდავს.
რამდენიმე წამის შემდეგ ღონე გამოლეული ივანეც
წავიდა წყლის ფსკრისკენ და ეს სიტყვები: „ვაიმე,
ოჯახო. ვაიმე, ცოლ-შვილო“-ო, მუცელშივე ჩაუ-
ბრუნა პირში ჩახეთქილმა წყალმა.

ქარი საშინელის ქუხილით ბრუნავდა; მზემ
ამოიწია და დაყურებდა „პალიასტომს“, თითქო
სეირს უყურებსო; ივანეს ხეები ისე თამაშობდენ
ტალღებზე, თითქო დასულ-დგმულებულან და უხა-
რიანთ, რომ თავისუფალნი ვართო. ივანეს პატარა
ნავიც გარეულიყო ხეებში და მიყვებოდა ტალღებს,
ხან აღმა და ხან დაღმა. რამდენსამე წამს შემდეგ
დამბრჩვალნი ივანე და ნიკო წყალმა ერთხელ კიდევ
ამოიტანა ზემოდ, აჩვენა ქვეყანას და შემდეგ ისევ
წაიღო თავის კუპრისავით ბნელ ფსკერისაკენ.

ქუთაისის სახ. საჯარო სკოლაში.
1891 წლის ნოემბერი.
თბილისი.



ਬੰਦਨ ਚੰ ੧੧੩.



੧੦੫

